

tent quelques vnes par oubly à la premiere Confession, qu'ils s'en pourront fouuenir à la seconde, quelques-vns se feruent des grains de leurs Chapelets pour memoire locale. Vne bonne fême doiée d'une aussi grande simplicité qu'elle a peu de memoire, abordant un Pere luy dit avec une ingenuité toute aymable: voilà tous mes pechez, elle monstroient environ une dixaine de son Chapelet, ils font tous sur ces grains, disoit-elle, & les maniant les uns apres les autres comme si elle eust fait sa priere, elle s'accusoit comme coupable de beaucoup de choses innocentes.

Vne autre enuoye son mary pour s'excuser [9] si elle ne venoit point à la sainte Table comme elle auoit promis, elle a oublié, disoit son mary, un gros peché: & ie croy qu'il auoit charge de le dire au Pere; mais cette bonne femme estant venue elle mesme, le Pere la fit Communier, ayant reconnu la crainte & la simplicité innocente du mary & de la femme.

Un ieune homme ayant ordre de se Communier, car pour l'ordinaire ils ne s'aprochent point de ce diuin Sacrement qu'on ne leur permette, se vint aussi excuser disant, qu'il vouloit preparer son cœur & ieufner plusieurs fois, & s'attrister long-temps de ses pechez deuant que de recevoir son Seigneur. Quelques-vns prient leurs Confesseurs de leur enioindre de bonnes Penitences, de les faire ieufner, tesmoignans de grands regrets d'auoir fasché Dieu comme ils parlent.

Un Capitaine ayant trouué le moyen d'auoir du vin, en donna à boire à quelques-vns de ses amys, l'un d'eux s'enyura: Cela nous estant rapporté nous